



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 1. Illustratur adversarijs; vincit.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

TITULUS VI. VERITAS.

§. I.

Illustratur adversarius; vincit.

Super omnia vincit veritas. 3. Efdra 3. 12. Nebula solet manē aliquo tempore solem obvelare, sed tandem elucet. Sic ipsa veritas. Stella de contemptu &c. p. 2. c. 59. Nunc ergo habitatores Ierusalem, & viri Iuda; iudicate inter me, & vineam meam. Isa. 5. 3.

Si iustum est in conspectu Dei - iudicate. Act. 4. 19. Nulla major veritatis comprobatio, quam ipsos adversarios iudices appellare. Sylveira hic.

Non possumus aliquid adversus veritatem. 2. Cor. 13. 8. Veritas, ut oleum, aliquo tempore deprimi potest; sed tandem alteri liquorī supernat. Triumphavit Veritas contra omnes falsas doctrinas hæreticorum. Et licet principes fulcra supponerent mendaciis; tamen corruerunt. Quando magis Veritas premebatur, quam cum moreretur in Cruce? sed audi publicum Centurionis testimonium: *vere Filius Dei erat iste.* Stella de contemptu &c. p. 2. c. 59.

Et ecce equus albus; & qui sedebat super eum, vocabatur fidelis, & verax. - Apoc. 19. 11. & de ore ejus procedit gladius v. 14. Qui vera loquitur, verbis, tanquam gladio, utitur. Subdit Joannes: *& in capite ejus diademata multa.* v. 12. Multas coronas Veritas gestat in capite: quia de multis mendaciis triumphum agit. Pinna Ethol. 54.

Negligentius Veritas quæreretur, si mendaces adversarios non haberet. S. August. l. 63. de divers.

Quomodo apparebit Veritas, nisi habuerit adversarios; qui & sint mendaces, & veritatem oppugnent. S. Macarius hom. 17.

§. II.

*Veritas exosa.**Ex Veteri.*

Impeditioris, & tardioris; lingua sum. Exod. 4. 10. Cur se dicit ineloquentem? cum de eo Stephanus dicat: Act. 7. 22. *erat potens in verbis suis.* Quia ad regem mittebatur, ad veritatem dicendam. Castillo Illat. 213.

Nuntiaviq; ei, quod mihi verum videbatur. Jos. 14. 7. Ut premium referret, aptius videbatur arduos itineris labores proferre, quam, quod verum erat, testari. Nimirum tam arduum, virtuti, veritatisque consentanea enuntiassse. Vide Num. 14. 9. Caleb periculum, dum veritatem profert: *recessit ab eis omne praesidium; Dominus nobiscum est* &c. Abulens. q. 43. Josue, & Caleb, videbantur offendisse populum; ideo populus concitatus voluit eos lapidare v. 10. quia resistebant

Polyanth. Sac. Tom. II.

desiderio populi. Totus enim deliberaverat reverti in Ægyptum: isti autem duo resistebant desiderio populi, ostendentes, illud non esse rectum. Naxera in Jos. 14. §. 21.

David autem psallebat manu suā - & tenebat Saul lanceam. 1. Reg. 18. 10. Quis Dei tubas audire sustinet? nē pulsantis quidem citharam Davidis dextera grata est, si Sathanam abigat. Dum malum Spiritum fugat à rege, hastā impetitur. Herodes Joannem libenter audit; sed quamdiu non arguit. Olival. 11. Strom. §. Erunt signa in sole.

Consuluitque Dominum, & non respondit. 1. Reg. 28. 6. Non audent Sacerdotes viventes Saulem monere de tristifato. Mittit Deus Samuelem vicā functum v. 16. Abulens. q. 15. quia Sacerdotes, & Prophetæ, videntes interitum Saulis, appropinquare nolent denuntiare, propter timorem; Samuel verò, qui mortuus erat, non timeret. Addit Zeno f. de Refur: liberius canit mortuus, quam virus canere consueverat. Velloso in Judith. 5. Paræn. 8.

Quis decipiet Achab? 3. Reg. 22. 20. ait Dominus, cum ob multa peccata Achab dispo-neret, ut deciperetur in consiliis suis. Et statim demon dicit: egrediar, & ero Spiritus mendax. Et statim Dei vox: *decipies, & prævaleris.* Unde tam certa victoria? ex mendacio, quod valde potens in aulis regum, ubi exosa Veritas. Sylveira in Act. 12. 19.

Erraverunt in solitudine. Pl. 106. 4. *esuriētes &c.* Primum periculum est, devium à veritate hominem in ignorantia solitudine, atque errore, versari; & carentem cibo, potuque sapientia, fame, sitique deficere. S. Prosper hic.

Erunt oculi tui videntes Præceptorem tuum, & aures tuae audient verbum post tergum monentis. Isa. 30. 20. 21. *Hec est via, ambulate in ea.* Si auditor videt suum Præceptorem; quomodo post monentis tergum audit? Quia tam ingratus veritatis sermo; ut vel inchoatus, mox cogat Auditorem post tergum accurrere, facieque dare terga recessuro. Escobar. l. 3. Coll. Chr. l. 1. Sect. 1. Obl. 1.

Tunc Daniel cepit intra semetipsum tacitus cogitare quasi unā horā; & cogitationes ejus conturbabant eum. Dan. 4. 16. Somnium soluturus hæret, palle; timet verum dicere regi. S. Hieron. tacitus intellexit, somnium esse contra regem; & cordis timorem vultus pallore signabat. Velloso in Judith. 5. Paræn. 8.

Apparuerunt digiti quasi manus scribentis. Dan. 5. 5. Balthasar, templi vasis abutens; vidit manum scribentis in pariete. Equum nimirum est, ut in regum, & principum, palatiis veritas in lapidibus coelicus scribatur; cum eam pronuntiare audeat nemo. Diez conc. 1. D. 2. Adv.

Divites ejus repleti sunt iniquitate; & habitantes in ea loquebantur mendacium

Ppp pp 2

Michæ